

三
李
年
譜

關中三李年譜卷二

山陽吳懷清編

二曲先生年譜

康熙十一年壬子四十六歲

是春絕糧幾不能生王省庵聞之自蒲來候爲之辦三月薪米而還先生每值困阨則誦伯夷叔齊餓死並志士在溝壑以自振五月鍾學憲朗檄縣豎碑母塋大書賢母彭氏以表墓隨致書先生以申嚮往旣而深咎羈於職守不獲造廬耑吏託張閫郭丞介紹肅迎先生辭謝八月至省南謁馮少墟墓

陝西資政錄馮恭定墓在長安縣西南三里馮家村

訂其遺集寓雁塔鍾聞之亟出城拜訪館於塔下質疑

咨學聞所未聞深恨會晤之晚每日就寓傾論擊節再

拜時值大比三邊入郡士萃省聞風爭造肩摩踵接先

生隨人響答終日不倦於是秦人始知章句之外原自

有學興起者甚衆詳具雁塔答問浹旬先生告旋鍾聞之亟手

書致意

書曰斯道不講非一日矣振絕學於來茲迴狂瀾於既倒肩斯任者非先生而誰乎朗也無能

爲役雖然執干掇從鞭鐙所欣慕焉嚮者頗聞二曲有
李先生然耳其名矣未見其人也及驂停雁塔見其人
矣猶未聞其緒論也今見其人矣聞其緒論矣雖未能
窺其堂奧乃見獵心喜入聞夫子之道而悅人皆有之
朗東海之鄙人何獨不然朗嘗自問少年跌蕩於浮名
一行作吏塵面東西簿書鞅掌蒙西子之面欲自見本
來豈可得乎今遇先生如爐之點雪水之沃焦駸駸有
不知其然者方將啜飲之不可斯須去而先生又以避

喧湍歸私心怍乃出城躬送臨別依依紀略陝西志

人康熙九年任石門志朗字玉行順治己亥進士由翰林改工部主事升員外郎出視江南江西湖廣等處蘆

政歷刑部郎中視陝甘學政嚴絕苞苴振拔寒畯升布政司參議致仕歸年七十三卒祀鄉賢陝西志慈恩

寺在咸甯城南一十里曲江池北唐高宗爲文德皇后建內有浮圖塔六級卽今雁塔

是冬張闡司以先生身居姦數欲營室於鄠迎先生避

地遠氛會轉安遠參戎不果致札札云儉壬所以牴牾

求親而不得則忌謗生焉然山鬼之伎倆有限老僧之不聞不見無窮再加以少霽厓岸此輩樂有附驥之望

而可以化其成心矣如邪正分明太甚小瀕行念先生人愈肆其惡願先生勿以人廢言是禱

清苦捐俸三十金託人爲先生購地十畝聊資薪水紀略

康熙十二年癸丑四十七歲

鄂總督善政崇風教自巡撫時雅慕先生知先生不履
城市難以屈致是年復修關中書院拔各郡俊士於中
乃因鍾提學致饑渴又因咸甯郭丞通禮意四月肅幣
聘先生講學先生力辭至再鄂公敦延愈殷三往然後
應鍾以先生衣服寬博不時預製小袖時袍馳送先生
笑而藏之仍寬博以往至城南雁塔鍾出城奉迎見之
愕然先生曰僕非官僚紳士又非武弁營丁窄衣小袖
素所弗便寬衣博袖乃庶人常服僕本庶人不敢自異
且庶人無入公門之理區區生平安庶人之分未嘗投
足公門今進書院諸公見顧斷不願破戒報謁鍾爲之

備達鄂曰余等聘先生原爲沐教豈可令其頓違生平
五月十四日命府三學博士御車進城公偕阿撫軍席
熙暨三司迎候於書院之翼室設宴隨改其室爲明道
軒次日請先生登座公與撫軍藩臬以下抱關擊柝以
上及德紳名賢進士舉貢文學子衿之衆環階席而侍
聽者幾千人先生立有學規會約約束禮儀整束身心
三月之內一再舉行鼓蕩摩厲士習丕變故老有逮事
馮少墟者目睹其盛謂自少墟後講會久已絕響得先
生起而振之力破天荒默維綱常一髮千鈞視少墟倡
學於理學大明之日其難不啻百倍一時院司道府莫

不致餽咸却而不受撫軍贈金數鎰往返再四亦固辭

紀略

國史傳鄂善姓納喇氏鑲黃旗滿洲人由侍衛

歷秘書院學士都御史康熙九年授陝西巡撫十一年
遷山陝總督尋改督陝西調雲南以事戴罪立功十六
年授甘肅巡撫十八年解任又阿席熙鑲紅旗滿洲人
康熙十年以布政使升任陝西巡撫按是時三司布政
使爲吳努春鑄白旗滿洲人按察使巴錫鑄紅旗滿洲
人提學卽鍾朗道無攷西安知府邵嘉引浙江餘姚人
二曲集關中書院會約引關中書院自少墟馮先生
而後學會久已絕響今上臺加意興復此當今第一美
舉世道人心之幸也諸同志川至雲集相與切磨雖以
顯之不肖亦獲濫廁會末振顏起懦叨益良多衆謂會
不可以無規促顯揭其概誼不得固辭謹條列於后

七月新提學洪公琮甫蒞任卽具啓通幣以申嚮往先
生不納八月自鳳郡馳謁先生於書院設宴朝夕躬陪
序先生所立院規刊布多士先生彙輯少墟全集託其

梓行

紀略

陝西志洪琮安徽休甯人康熙十二年任

府推官晉刑部主事歷官陝西提學清秋述聞琮字各一

是秋寶雞李汝欽茂才修始謁先生於書院北面稟學

先生力辭

據二曲集增輯諸生從塾屋李顯

寶雞志李修字汝欽少籍

志正學博考儒書剖析精奧著心心精一二錄補薛存齋四書說蘊大有發明邑令燕山李瑩受業於門年七十三鳳翔府志修精研理學剖析微奧嘗自砥礪其志不作杏壇中人不止

鄂公欲薦先生知先生鳳翔千仞之操不可榮以祿念

係地方高賢又不敢蔽乃密戒學憲及郭丞勿洩遂會

同撫軍阿疏於朝

其略云一代真儒三秦佳士學術經濟實曠世之遺才道德文章洵盛朝

之偉器負姿英特操履醞良環堵蕭然一編閒適經百折而不同歷千述而愈勵刊行緒論咸同源達本之談

教授生徒悉明體達用之務遠宗孔孟近紹程朱初奉
詔求賢臣等雖略聞其人恐係浮名未敢深信恭奉

皇上賜臣等大學衍義臣等仰承聖訓以廣文教修復
書院聚集多士將顒迎至見其人品端莊學識多博講
論亶亶誠難測其淵微今皇上日御經筵時親典謨
正需窮經博古之臣以備顧問之班臣等既知其人不
敢不
舉
疏上九月朔先生始聞其事錯愕自咎卽貽書於

鄂一再辭謝

第一書略云明公以國家太平之業莫先

於正人心故思碩儒以振起斯文而又急
無其人不得不從隗始誠吾道之中興而生民之大幸
也顧僕實非其人適以重爲斯文之辱前者懇辭不獲
覲顏應命兩赴書院言無可聽行無可取中夜自思既
負明公下問之誠兼愧朋友琢磨之益方欲束身告退
肆力耕耘忽聞愚賤之名上塵
難安自拜辭抵家卽染寒疾歷久不痊遂至右足不仁
艱於步履夫薦賢者國家之大典豈容以廢疾之人濫
膺宸命哉况今接對賓客皆倚杖而行猶或顛躓其
必不能舞蹈
仁代爲題覆使病廢之人得以終安畎畝則始之終之

其恩皆出自明公矣十一月督撫奉旨促先生起程先生再三

以疾辭

紀略參二曲集無他技能徒抱皋魚之至痛敢希和靖之高蹤

辭徵第一書云顥少失學問

不虞聲聞過情上徹宸聰部檄地方起送蓋曠典也顥何人斯敢辱斯典若謬不自揆冒昧奔趨是借終南作捷徑可鄙孰甚有士如此朝廷亦安用之况顥近因汗後中溼宿疾頓發左足麻木不能步履豈堪遠涉長途趨走拜舞對揚丹陛也伏望矜鑒特為轉達曲成石隱使顥不至狼狽道途自速其斃頌德頌仁於無窮矣是月至華陰訪王山史徵君宏撰與論為學出處之

義並屬為劉公四冲作傳留五日去

據襄城志增輯襄城志山史劉四

冲公傳康熙十有二年秋有詔徵鑿屋李中孚先生中孚稱疾不就冬仲策杖過子草堂留五日論為學出處之義甚悉及指數近代人才因得聞四冲公遺事中孚謂予劉公雖已有傳子不得無言同州志王宏撰字修文華陰人父之良明進士南京兵部右侍郎宏撰幼嗣於季父之祚實司馬第五子補邑學弟子員食餼順

治七年土寇竊發遺貲標掠殆盡乃縱遊之淮陰抵建
康至吳門與江左高士流連詩酒越歲而歸中丞賈漢
復聘纂陝西通志并命子壻受業中丞入都邀之偕行
數載始旋里單心洛閩之學而尤邃於易以其餘爲詩
歌古文清健高超三輔隱賢與之切劘者王建常李楷
李顥李因篤東蔭商南廷鉉顧炎武入關來訪分宅館
之康熙十七年詔徵博學鴻辭之士宏撰列薦剡累辭
不允至都會病不入試足不履顯者之門而大學士馮
公溥雅重其品藝介人求文王士禎汪琬施閏章等莫
不就舍訂交二十四年再遊江南十年乃歸四十一年
卒年八十一門人私謚貞文按山史
生明天啓五年壬戌長先生五歲

有報鄂制臺書報阿撫軍書答阿撫軍辭餽金書與當
事論出處書答洪學憲書上鄂制臺辭薦舉書第二書
辭徵書第二第三書題馮少墟先生全集

康熙十三年甲寅四十八歲

正月滇南變起所在震動鄰惡自以前計不遂徒成嫌隙至是謀因亂將暗不利於先生以滅口同黨有洩之者二月十三日乃離新莊堡避地於邑南之郭家寨以

居

紀略

四月有旨復徵吏部咨督撫起送藩司檄府行縣催促起程先生控辭旣而府役至縣守催縣據醫鄰甘結以覆五月府提醫鄰嚴訊脅以重刑衆無異辭府轉到司司促愈急七月霖雨河漲先生長男慎言涉波冒險赴司哀控不聽立逼擡驗八月朔縣役舁榻至書院遠邇駭愕咸謂擡驗創千古之所未有辱朝廷而褻大典

眞天壤間異事也府官至榻先生長臥不食府以股痺
回司司怒欲以錐刺股以驗疼否適張參戎夢椒自安
遠回省爲之營解免錐立逼起程先生閉目不語僵臥
而已前內黃令上蔡張起庵沐自中州來訪備述聞風
嚮慕神交有年因出所著學道六書就正先生伏枕以
答語及乾之初爻謂學須深潛緝密埋頭獨誼方是安
身立命若退藏不密不惟學不得力且非保身之道昔
人謂生我名者殺我身區區今日便是榜樣張歎息而
去初五日府又差官守催吏胥洶洶環擁逼索起程愼
言不得已聊具起程呈云俟暫歸治裝然後就程司始

允還抵家數日隨具呈以疾篤控院司聞之檄府鎖拏
經承縣令高君宗礪懼累率役至廬立促舁榻以行先
生堅不進省寓於城南之興善寺府役日逼起程督促
萬方先生以死自矢督院知不可強乃會同撫軍以實
病具題部覆奉 旨疾痊起送十二月還家養疾丹陽
賀君麟徵聞而歎曰關西夫子堅臥養疴正是醫萬世
人心之病移風易俗力振人紀有造於世道不淺

紀略按

陝西志是年總督哈占巡撫抗愛布政使吳努春西安知府阿爾親皆滿洲人 內黃志參上蔡志張沐字冲西號起庵河南上蔡人順治戊戌進士康熙元年任直隸內黃知縣潔己愛民崇尚德化蒞邑五載廉蹟善狀不可枚舉開講堂講學每會期邑士及鄰封之請教者常數百人時容城孫奇逢講學蘇門幣迎至黃學者知

所宗焉因事降職以大臣薦授四川資陽令方沐赴部
過黃士民慰問遮道有送出境者著有道一錄學道六
書六論敷言女經蓋屋志高宗礪字介公四川梁山
人由進士康熙十三年任值滇蜀鄰平涼繼叛軍興旁
午風鶴頻驚催科饋運日不暇給至十七年被論後赴
京開復途遇暴疾沒於蒲東歸葬白下賀麟徵無攷

是年新安汪君宏度緘書託洪學憲問學江甯高太史

人龍詣廬就正紀略上元志高人龍字霖公蜀梁山
人父射斗前丁丑進士任江安督糧道

沒後寄家金陵人龍由康熙戊戌進士授庶吉士除檢
討歷官吏部選郎生平博雅於關閩濂洛之學莫不窺

其奧窔尤以廉自守官比部有廢銅例入督鑄者之橐
公悉給工匠不以自私子二元亨丁卯舉人元吉庚辰

進士汪
宏度無攷

有辭徵第四第五第六書按是年陝督爲哈占集中只
標曰辭徵大約致督府者

康熙十四年乙卯四十九歲

先生癸丑秋自書院講畢旋家卽閉關不復見客是春

又爲謝世言以逆拒來者

其略云僕幼孤失學庸謬罔似祇緣浮慕先哲以致浪招

逐臭誠所謂純盜虛聲毫無實詣者也年來天厭降災疾病相仍半身覺痿兩耳漸聾杜門却掃業同死人矣然而朋伍中不蒙深諒猶時有惠然枉顧者是使僕開罪於先生長者非愛我之至者也今以往敬與二三良友約凡有偶憶不肖而欲賜教者竊以爲上有往哲之明訓下有狂謬之危言期與諸君私相砥礪足矣奚必入其室而窺其人以致金玉在前形我蕪穢乎伏望迴其左顧之轍埒僕於旣化之殘魄視僕爲物外之野夫此僕所中心佩之而父師祝之者也嘗聞古人有預作壙穴以爲化日藏骨之所僕竊有志而未逮又豈能覩顏人世晤對賓客絜長論短上下千載也耶但使病廢之軀獲免酬應之勞則僕也拜賜多矣紀略

四月鄂公自荊州移駐關中甫入關欲望見顏色各部

院亦欲因之以見愆惠公遣使賁手札來迎先生以謝

世言示之乃已

紀略按鄂在雲南以事戴罪立功十四年王輔臣叛命赴榆林延安剿禦移

駐卽謂此也

八月初六日先生挈家避兵富平是時雲貴搆亂蜀漢盡陷整屋密邇南山敵人盤踞於中土人往來私販者傳敵營咸頌先生風烈先生聞之大驚亟擬渡渭遠避會張參戎陞總鎮肅興迎送富平時郭丞陞宰富平亦遣使來迎遂盡室以行至富平郭公擁篲下風修郊勞文學孟輿脈齋沐受學固請棲所居之軍寨別墅郭公於是鳩工整飾煥然一新又特構一齋題曰擬山堂擬山云者以先生喜靜厭囂謝人事絕應酬無異深山窮